

De Pinguin vo Afrika

Wer schlefferet uf em Iisberg
Und hüpfet über Stock und Stei
Wele Vogel cha ned flüege
Aber schwimme wie ne Hai

Wer watschlet um de Egge
Und treit sin Frack mit Stil
Wer macht so loschtigi Grüschi
Nei, Falsch! kes Krokodil

Sesch de Pinguin vo Afrika
Er het en rote Pulli a
De Pinguin vo Afrika
Het immer so fest chalt gha

Er het ghört as z' Afrika wärmer isch
Bide grosse Elefante
Drum chlaut er sich es Gummiboot
Seit Ade sine Tante

Er winkt mit sinere Flosse und
grinst über s ganzi Gsicht
er trüllt en Piroutte
schwupps hopp und weg er isch

Sesch de Pinguin vo Afrika
Er het en rote Pulli a
De Pinguin vo Afrika
Het immer so fest chalt gha

So surft er über ne fetti Welle
E weg vo so chalt em Zügs Schnee
S wird täglich bitzli wärmer, Mann
De Pinguin so Ey, Yippieh

Doch plötzlich isch d Luft duss, O Nei
Er strandet mit eme Loch im Boot
Chömed em Sidi sini 220 Kamel
As Retter ide Not

Sesch de Pinguin vo Afrika
Etz lueg emol de Vogel a
De Pinguin vo Afrika
Het plötzlich richtig warm gha

Sie trügid ihn dur d Wüesti
Uf ihrne stramme Bei
Retour Richtig Süde
Ufm direkte Weg nach Hei

Dert tüend scho alli warte
sind gspannt vo Kopf bis Fuess
sie schenket ehm en rote Pulli
as er nömm a d Wärmli muess

de Pinguin vo Afrika
Etz lueg emol de Vogel
De Pinguin vo Afrika
De muess mer eifach gern ha
de Pinguin vo Afrika
Er het en rote Pulli a
De Pinguin vo Afrika
De muess mer eifach gern ha

Musik Lukas Stäger

Text Lukas Stäger und Prisca Zweifel

